



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Antonii Bynaei de Calceis Hebraeorum Libri Duo**

**Bynaeus, Anthony**

**Dordraci, 1682**

Apud veteres soleæ ad crus corrigias extenderunt.

**urn:nbn:de:hbz:466:1-12835**

Ab hoc ipso *σπαργωρίπ* dicta Helleni-  
stis. Observat vir maximus tibia-  
rim calceasse Judæos, quia habenæ  
teretes, sive corrigiæ, eousque ex-  
tendebantur, ut crus lorum am-  
biret. Hoc utique verissimum  
putamus. Apud veteres ea calcea-  
mentorum genera, quæ sandalia  
erant, sive soleæ, & corrigiis pedi  
alligabantur, licet lora ad talos  
tantum aliquando pertingerent,  
tamen ad crus sæpe pervenerunt.  
Cothurnos, qui soleæ fuerunt,  
vinculis ad crus pertingentibus reli-  
gatos fuisse, ex Sidonio optime do-  
cuit vir politissimus Albertus Ru-  
benius. Verba Sidonii sunt:

*Perpetuo stat planta solo, sed fascia  
primos*

*Sistitur ad digitos, retinacula bina  
cothurnis*

*Mittit in adversum vinclo de fornice  
pollex,*

*Quæ stringant crepidas; & concur-  
rentibus ansis*

*Vinculorum pandas nectant per crura  
catenas.*

Campagos etiam, militare calcea-  
mentum ducū atque imperatorum,  
postea

Sidon. in  
Panegy.  
Anthenii.  
Rub. de Re  
Vest. lib. 2.  
cap. 1.

postea ab iisdem etiam in pace usurpatum, licet ex genere solearum, sive crepidarum essent, & ideo à calceo cavo urbano distincti, ad crus habenas illas, & retinacula extendisse, jam dudum monuerunt viri maximi. Videri possunt quæ Isaacus Casaubonus, Claudius Salmasius, Benedictus Balduinus, Albertus Rubenius, & Octavius Ferrarius de campago disputarunt. Scilicet campagus crepida fuit, sive solea, habenis pedi innexa, quæ crus contingebant, reticulato opere decussatim implexæ. Caligæ quoque militum Romanorum, quas Sandalia sive soleas fuisse ex antiquis monumentis atque marmoribus superius ostendimus, ad crus sive tibiam usque ascendebant, ut Claudius Salmasius & Albertus Rubenius docuerunt. Negat id quidem Octavius Ferrarius, & caligas manipulares usque ad tibiam retinacula extendisse, non ita certum esse pronuntiat. Sed, uti non contendimus omnes caligas ad mediam usque tibiam retinacula extendisse, tamen negari nequit, caligas

Casaub. &  
Salm. ad  
Hist. Aug.  
Script.  
Bald. de  
Calc. Ant.  
cap. 18.  
Rub. de  
Re Vest.  
lib. 2.  
cap. 5.  
Fer. in  
Analec.  
cap. 36.

Salm. loc.  
cita Rub.  
lib. 2.  
cap. 1.  
Fer. loc.  
cit.